

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/41, 16.03.2020թ.

Բողոք բերող անձ՝ «Ռաֆայել Գրիգորյան» Ա/Ձ

Պատվիրատու՝ «Կանաչապատում և շրջակա միջավայրի պահպանություն» ՀՈԱԿ

Գնման ընթացակարգի ծածկագիրը՝ «ԿՇՄՊ-ԳՀԱՊՁԲ-20/8» գնանշման հարցում

Գնման առարկան՝ Այգեգործական, գյուղատնտեսական և այլ նմանատիպ գործիքների և սարքավորումների ձեռքբերում

Բողոքի պահանջը՝

1. Պարտավորեցնել «ԿՇՄՊ-ԳՀԱՊՁԲ-20/8» ծածկագրով գնանշման հարցման ընթացակարգին գնահատող հանձնաժողովին դադարեցնելու Ռաֆայել Գրիգորյան Ա/Ձ-ի հայտը 1, 4, 6, 7, 8, 12, 14, 15, 16, 20, 25, 28, 29, 30, 31, 43, 45, 46, 50, 61, 67, 68, 70, 71, 73, 74, 78, 79, 86, 87, 92 և 117 չափարաժիներին մասով անբավարար գնահատելու և մերժելու մասին որոշումները:

2. Պարտավորեցնել «ԿՇՄՊ-ԳՀԱՊՁԲ-20/8» ծածկագրով գնանշման հարցման ընթացակարգին գնահատող հանձնաժողովին ընդունել որոշում՝ 1, 4, 6, 7, 8, 12, 14, 15, 16, 20, 25, 28, 29, 30, 31, 43, 45, 46, 50, 61, 67, 68, 70, 71, 73, 74, 78, 79, 86, 87, 92 և 117 չափարաժիներին մասով նոր գների նվազեցման միաժամանակյա բանակցությունն հրավիրելու վերաբերյալ՝ ներգրավվելով նաև «Ռաֆայել Գրիգորյան» Ա/Ձ-ին:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՃԱՆՅԱՆ

ՔԱՐՏՈՒՂԱՐ՝ Ռ.ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> **հղումով**.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին

Բողոք բերող՝ Ռաֆայել Գրիգորյան Ա/Ձ
Հասցե՝ ՀՀ, ք. Եղեգնաձոր, Աթաբեկյան փ. տուն 3
Հեռ.՝ +374 774256
Էլ. փոստ՝ avetyanlev@gmail.com

Պատվիրատու՝ «Կանաչապատում և շրջակա միջավայրի պահպանություն» ՀՈԱԿ
Հասցե՝ ՀՀ, ք. Երևան, ՀՀ, Փ. Բուզանդի 1/3

Գնման ընթացակարգի ծածկագիրը և առարկան՝
«Կանաչապատում և շրջակա միջավայրի պահպանություն» ՀՈԱԿ-ի կարիքների համար՝
այգեգործական, գյուղատնտեսական և այլ նմանատիպ գորիքների և սարքավորումների ձեռքբերման
նպատակով հայտարարված «ԿՇՄՊ-ԳՀԱՊՁԲ-20/8» ծածկագրով
գնանշման հարցման ընթացակարգ

ԲՈՂՈՔ

- **Գործի հակիրճ նկարագրությունը և բողոքի փաստերը**

«Կանաչապատում և շրջակա միջավայրի պահպանություն» ՀՈԱԿ-ի կողմից վերջինիս կարիքների համար՝ այգեգործական, գյուղատնտեսական և այլ նմանատիպ գորիքների և սարքավորումների ձեռքբերման նպատակով հայտարարվել է «ԿՇՄՊ-ԳՀԱՊՁԲ-20/8» ծածկագրով գնանշման հարցման ընթացակարգ (այսուհետ նաև՝ Ընթացակարգ):

Վերը նշված ընթացակարգին, ի թիվս այլ ընկերությունների, մասնակցության հայտ է ներկայացրել նաև Ռաֆայել Գրիգորյան Ա/Ձ-ն՝ ներկայացնելով հայտ՝ 1, 2, 4, 6, 7, 8, 12, 14, 15, 16, 20, 25, 28, 29, 30, 31, 43, 45, 46, 50, 51, 61, 67, 68, 70, 71, 73, 74, 76, 78, 79, 85, 86, 87, 88, 92 և 117 չափաբաժիններով:

Այսուհետև, Ընթացակարգի գնահատող հանձնաժողովը 11.03.2020թ. տեղի ունեցած նիստի թիվ 2 արձանագրության 4 կետի 2-րդ ենթակետի համաձայն՝ Ռաֆայել Գրիգորյան Ա/Ձ-ի կողմից ներկայացված ծրարում ակա փաստաթղթերի գնանշման հարցման



գնահատող հանձնաժողովի կողմից արձանագրվել են անհամապատասխանությունների հրավերի պահանջների նկատմամբ, մասնավորապես հայտ պարունակող ծրարի մեջ բացակայում է սույն ընթացակարգի հրավերով պահանջված Հավելված 1.1-ը, ինչպես նաև Հավելված 2-ով ներկայացված գնային առաջարկում 2-րդ և 51-րդ չափաբաժինների մասով հաշվարկը և տառերով, և թվերով սխալ է կատարված:

Գնահատող հանձնաժողովը որոշում է կայացրել կասեցնել նիստը 1 աշխատանքային օրով և տրամադրել Ռաֆայել Գրիգորյան ԱԶ-ին շտկելու արձանագրված անհամապատասխանությունները, իսկ 2-րդ և 51-րդ չափաբաժինների մասով ԱԶ-ի հայտը մերժել:

Այնուհետև նույն արձանագրությամբ գնահատող հանձնաժողովը արձանագրեց, որ Ռաֆայել Գրիգորյան ԱԶ-ի կողմից 05.03.2020թ. ներկայացվել է արձանագրված թերությունները շված տարրերակը՝ 76, 85 և 88 չափաբաժինների մասով շտկումներ չի կատարվել և արդյունքում գնահատող հանձնաժողովը որոշեց՝ Ռաֆայել Գրիգորյան ԱԶ-ի հայտը գնահատել անբավարար և մերժել:

Ընթացակարգը 14, 31, 46, 50 ,87 և 92 չափաբաժինները հայտարարել չկայացած՝ հիմք ընդունելով «Գնումների մասին» ՀՀ օրենքի 37-րդ հոդվածի 1-ին մասի 1-ին կետով սահմանված պահանջը /վերը նված չափաբաժիններին մասնակցության հայտ էր ներկայացրել միայն Ռաֆայել Գրիգորյան ԱԶ-ն/:

• Բողոքի իրավական հիմքերը և հիմնավորումները.

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի 1-ին և 2-րդ կետերի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Ինչպես արդեն հայտնել ենք՝ Ռաֆայել Գրիգորյան ԱԶ-ն մասնակցության հայտ է ներկայացրել «Կանաչապատում և շրջակա միջավայրի պահպանություն» ՀՈԱԿ-ի

կարիքների համար՝ այգեգործական, գյուղատնտեսական և այլ նմանատիպ գորիքների և սարքավորումների ձեռքբերման նպատակով հայտարարված «ԿՇՄՊ-ԳՀԱՊՁԲ-20/8» ծածկագրով գնանշման հարցման ընթացակարգին, մասնավորապես՝ 1,2, 4, 6, 7, 8, 12, 14, 15, 16, 20, 25, 28,29, 30, 31, 43, 45, 46, 50, 51, 61, 67, 68, 70, 71, 73, 74, 76, 78, 79, 85, 86, 87, 88, 92 և 117 չափաբաժիններով:

Ա/Ձ-ի հայտը 2-րդ և 51-րդ չափաբաժինների մասով մերժվել է, քանի որ գնային առաջարկում՝ հաշվարկը և տառերով և թվերով սխալ է կատարված, 76, 85 և 88-րդ չափաբաժինների մասով հայտը մերժվել է, քանի որ արձանագրված անհամապատասխանությունների շտկումները չի կատարվել, իսկ 14, 31, 46, 50, 87 և 92 չափաբաժինների մասով ընթացակարգը հայտարարվել է չկայացած, քանի որ նշված չափաբաժիններին մասնակցության հայտ էր ներկայացրել միայն Ռաֆայել Գրիգորյան Ա/Ձ-ն/:

Այնուհետև՝ Ընթացակարգի գնահատող հանձնաժողովը անհասկանալի պայմաններում՝ Ռաֆայել Գրիգորյան Ա/Ձ-ի հայտը մերժում է ոչ թե 76, 85 և 88-րդ չափաբաժինների մասով, որոնցով ըստ գնահատող հանձնաժողովի համապատասխան արձանագրության՝ շտկում չէր կատարվել (միայն 2 և 51 չափաբաժինները մերժվել էին գնային առաջարկում առկա սխալի պատճառով), այլ նաև ներկայացված 1, 4, 6, 7, 8, 12, 14, 15, 16, 20, 25, 28,29, 30, 31, 43, 45, 46, 50, 61, 67, 68, 70, 71, 73, 74, 78, 79, 86, 87, 92 և 117 չափաբաժինների մասով, որոնցում որևէ խնդիր չէր արձանագրվել և նշվածի մասով մասնակցին շտկման պահանջ չէր ներկայացվել: Ավելին, հայտը ամբողջությամբ, բոլոր նշված չափաբաժինների մասով, գնահատող հանձնաժողովի կողմից գնահատվել է անբավարար, և համապատասխանաբար ոչ մի խնդիր չունեցող չափաբաժինների մասով ԱՁ-ն չի ծանուցվել նաև գների նվազեցման միաժամանակյա բանակցությունների նպատակով 10.03.2020թ. հրավիրված նիստին մասնակցելու համար:

Մինչդեռ՝ Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Համաձայն՝ ընթացակարգի հրավերի 8.11 կետի՝ հայտերը բացվելուց և գնահատվելուց հետո հետո կազմվում է արձանագրություն՝ գնումների մասին ՀՀ օրենսդրությամբ սահմանված կարգով: Ընդ որում հանձնաժողովի նիստի արձանագրության մեջ մանրամասն նկարագրվում են հայտերի գնահատման արդյունքում արձանագրված

անհամապատասխանությունները և դրանցով պայմանավորված հայտերի մերժման հիմքերը: Արձանագրությունն ստորագրում են հանձնաժողովի նիստին ներկա անդամները:

Հրավերի 8.12 կետի համաձայն՝ Հանձնաժողովի քարտուղարը հայտերի բացման և գնահատման նիստի ավարտից հետո ոչ ուշ քան հաջորդող աշխատանքային օրը՝

1) հայտերի բացման և գնահատման նիստի արձանագրության բնօրինակից արտատպված (սկանավորված) տարբերակը և սույն հրավերի 1-ին մասի 3.5 կետում նշված հիմնավորումների քննարկման ամփոփաթեթը, որը պարունակում է տեղեկություններ նաև հիմնավորումները ստանալու ամսաթվի և էլեկտրոնային փոստի հասցեների վերաբերյալ, հրապարակում է տեղեկագրում: Եթե հիմնավորումներ չեն ներկայացվել, ապա հանձնաժողովի նիստի արձանագրության մեջ դրա մասին կատարվում են համապատասխան նշումներ: 2) իր և գնահատող հանձնաժողովի՝ հայտերի բացման նիստին ներկա անդամների կողմից ստորագրված շահերի բախման բացակայության մասին հայտարարությունների բնօրինակներից արտատպված (սկանավորված) տարբերակները հրապարակում է տեղեկագրում: Հանձնաժողովի այն անդամները, որոնք հանձնաժողովի աշխատանքների մասնակցում են հայտերի բացման և գնահատման նիստից հետո հրավիրվող նիստերին, ստորագրում են սույն ենթակետում նախատեսված հայտարարությունները, որոնք տեղեկագրում քարտուղարը հրապարակում է ստորագրմանը հաջորդող աշխատանքային օրը:

Անգործության ժամկետը սույն ընթացակարգի դեպքում «5» օրացուցային օր է:

Գնումների հետ կապված բողոքներ քննող անձի ուշադրությունն ենք հրավիրում այն հանգամանքի վրա, որ ԿՇՄՊ-ԳՀԱՊԶԲ-20/8» ծածկագրով գնանշման հարցման ընթացակարգի գնահատող հանձնաժողովի կողմից սույն ընթացակարգի շրջանակներում թույլ են տրվել գնումների մասին ՀՀ օրենսդրության և Հրավերի պահանջների մի շարք ախտումներ, մասնավորապես.

- Այսպես, ընթացակարգի հայտերի բացումը տեղի է ունեցել 03.03.2020թ., իսկ հայտերի բացման և գնահատման նիստի արձանագրությունը՝ հրապարակվել է տեղեկագրում միայն 10 օր անց, այն է՝ 12.03.2020թ.:

Մինչդեռ “Գնումների մասին” ՀՀ օրենքի 33-րդ հոդվածի 8-րդ կետի և Ընթացակարգի րավերի 8.12 կետի համաձայն՝ հայտերի բացման նիստի օրվա ավարտին հաջորդող առաջին

աշխատանքային օրը հայտերի բացման նիստի արձանագրությունը հրապարակվում է տեղեկագրում, ինչը տվյալ դեպքում չի կատարվել:

- Բացի այդ, հայտերի բացման արձանագրությունը թվագրված է *11.03.2020թ.-ին*, մինչդեռ հայտերի բացումը, ինչպես արդեն նշել ենք, տեղի է ունեցել *03.03.2020թ.:*

Վերոհիշյալի արդյունքում ստացվում է, որ հայտերի բացման նիստը սխալ ամսաթվով է հրավիրվել, քանի որ հայտերի բացումը, ըստ Հնթացակարգի հրավերի, պետք է տեղի ունենար *03.03.2020թ.*, սակայն հայտերի բացման նիստի արձանագրությունը (այդպիսի անվանում է կրում տվյալ արձանագրությունը) թվագրված է *11.03.2020թ.:*

Հնթացակարգի գնահատող հանձնաժողովը թույլ է տվել նաև “Գնումների մասին” ՀՀ օրենքի 34-րդ հոդվածի 1-ին մասի և Հնթացակարգի հրավերի 8.18-ի կետի պահանջների խախտում:

Մասնավորապես, Հնթացակարգի հրավերի 8.18-ը խնայերատիվ սահմանում է, որ հայտերի գնահատումը և ընտրված մասնակցի որոշումն իրականացվում է ըստ առանձին չափաբաժինների:

Ելնելով վերոհիշյալ պահանջներից՝ գտնում ենք, որ Հնթացակարգի գնահատող հանձնաժողովը, ղեկավարվելով գնումների մասին ՀՀ օրենսդրության պահանջների գրույթներով՝ պետք է առնվազն մերժեր Ռաֆայել Գրիգորյան ԱՁ-ի կողմից ներկայացված հայտերից թվով 5-ը, իսկ մնացած չափաբաժինների մասով, որոնցում որևէ խնդիր, անհամապատասխանություն հրավերի պահանջների նկատմամբ չէր արձանագրվել, ԱՁ-ին հրավիրեր գների նվազեցման միաժամանակյա բանակցությունների: Արդյունքում Ռաֆայել Գրիգորյան ԱՁ-ին ներկայացված բոլոր չափաբաժինների մասով մերժելով հայտը և չձանուցելով գների նվազեցման միաժամանակյա բանակցությունների՝ առնվազն գործել է ոչ իրավաչափ՝ խախտելով վերոշարադրված նորմերը:

Օրենքի 50-րդ հոդվածի 7-րդ մասի 1-ին կետի համաձայն՝ ՀՀ գնումների հետ կապված բոլորքներ բնող անձն իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

- ա. արգելելու կատարել որոշակի գործողություններ և ընդունել որոշումներ,

- բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման:

Ելնելով վերոգրյալից՝ չ՝ գնումների հետ կապված բողոքներ քննող անձին


ԽՆԴՐՈՒՄ ԵՄ՝

1. Պարտավորեցնել <<ԿՇՄՊ-ԳՀԱՊՁԲ-20/8>> ծածկագրով գնանշման հարցման ընթացակարգին գնահատող հանձնաժողովին դադարեցնելու Ռաֆայել Գրիգորյան Ա/Ձ-ի հայտը 1, 4, 6, 7, 8, 12, 14, 15, 16, 20, 25, 28, 29, 30, 31, 43, 45, 46, 50, 61, 67, 68, 70, 71, 73, 74, 78, 79, 86, 87, 92 և 117 չափաբաժինների մասով անբավարար գնահատելու և մերժելու մասին որոշումները:
2. Պարտավորեցնել <<ԿՇՄՊ-ԳՀԱՊՁԲ-20/8>> ծածկագրով գնանշման հարցման ընթացակարգին գնահատող հանձնաժողովին ընդունել որոշում՝ 1, 4, 6, 7, 8, 12, 14, 15, 16, 20, 25, 28, 29, 30, 31, 43, 45, 46, 50, 61, 67, 68, 70, 71, 73, 74, 78, 79, 86, 87, 92 և 117 չափաբաժինների մասով նոր գների նվազեցման միաժամանակյա բանակցություններ հրավիրելու վերաբերյալ՝ ներգրավվելով նաև Ռաֆայել Գրիգորյան Ա/Ձ-ին:

Առդիմ Քերթ:

Հարգանքով՝

Ռաֆայել Գրիգորյան Ա/Ձ



16. 03. 2020թ.